

**ԳԻՏԱՏԵՍԱԿԱՆ ՍԵՄԻՆԱՐ ԵՎ ԵՐԻՏԱՍԱՐԴ ԳԻՏԱԿԱՆՆԵՐԻ
ՀԱՆՐԱՊԵՏԱԿԱՆ ԿՈՆՖԵՐԱՆՍ ՆՍՍՀ ԳԱ ՀԱԳԻՏՈՒԹՅԱՆ
ԵՎ ԱԶԳԱԳՐՈՒԹՅԱՆ ԻՆՍՏԻՏՈՒՏՈՒՄ**

Ապրիլի 12—13-ը ՆՍՍՀ ԳԱ հնագիտության և ազգագրության ինստիտուտում տեղի ունեցավ «էթնիկ ինքնագիտակցությունը և ազգային մշակույթը» ընդհանուր թեմայով դիտատեսական սեմինար, որի շորս նիստերի ընթացքում լավեցին յոթ զեկուցում: Զեկուցումներում արված հարցադրումները, զեկուցողների առաջադրած կարեւորագույն դրույթները գիտական բուռն վեճերի ու մտքերի ակտիվ փոխանակության նյութ դարձան:

Բացման խոսքի փոխարեն նախատեսված «Ազգագրությունը և քաղաքականությունը» թեմայի շուրջ խոսեց Հնագիտության և ազգագրության ինստիտուտի ավագ գիտաշխատող, պատմական գիտությունների թեկնածու Լ. Աբրահամյանը: Ազգագրական ու էթնոհոգեբանական բնույթի հետազոտությունների ճշմարիտ արդյունքները պետք է դառնան ինչպես միջպետական հարաբերությունների կարգավորման՝ արտաքին քաղաքականության, այնպես էլ բազմազգ երկրների ներքին քաղաքականության հիմնական սկզբունքների մշակման կարևորագույն ելակետերից մեկը: Մինչդեռ քաղաքականությունը միշտ չէ, որ հաշվի է նստում պատմականորեն ձևավորված այս կամ այն մշակույթի առանձնահատկությունների հետ, նշեց Լ. Աբրահամյանը: Ազգագրական գիտելիքները, աշխարհի տարբեր ժողովուրդների նիստ ու կացի, վարք ու բարքեր, էթնիկ հոգեբանության բնորոշ գծերի իմացությունը կարևոր գրավական են տվյալ էթնիկ ու մշակութային միջավայրում ճիշտ քաղաքականություն վարելու համար:

Սեմինարի կենտրոնական հարցերից մեկը դարձավ Արևելագիտության ինստիտուտի գիտաշխատող, պատմական գիտությունների թեկնածու Ա. Հակոբյանի «Հայոց Արևելից կողմանց բնակչության տեղական ինքնագիտակցությունը և մշակութային պրոցեսները 6—10-րդ դդ.» զեկուցումը: Զեկուցողը սեմինարի մասնակիցների քննարկմանը ներկայացրեց այն դրույթը, որ IX—X դդ. պատմական Արցախ և Ուտիք նահանգներում քաղաքական, տնտեսական ու մշակութային որոշակի պայմաններ էին ստեղծված այդ կողմերի հայ բնակչության մեջ էթնոանշատողական միտումների դրսևորման համար: Հիմնականում աղբյուրագիտական բնույթի փաստարկումների վրա հիմնվող իր այս միտքը խորացնելով, նա նշեց, որ հակված է կարծելու, թե հիշյալ դարերում Հայոց Արևելից կողմերում

առկա էին բոլոր հիմքերը՝ առանձին էթնոս ձևավորվելու համար:

Ելույթ ունեցողները նշեցին, որ նման եզրակացության գալու համար նախ և առաջ պետք է հաշվի նստել տարաբնույթ աղբյուրների բացակայության հետ, որ ավատական շրջանին բնորոշ անշատողական տրամադրությունները չէին պետք է դիտել էթնոանշատողական, այլպես ինչու՞ վարելի է բացատրել այն հանգամանքը, որ էթնոմիավորիչ ձգտումներն Արևելից կողմերում վերստին գլուխ բարձրացրին XVI—XVIII դդ. սկսած (Հ. Պետրոսյան): Առաջ քաշվեց նաև այն միտքը, որ Արցախը և Ուտիքը չէին կարող ընդգրկվել Հայաստանի ավատական հարաբերությունների ոլորտը, քանզի դրանց զարգացումը ընթանում էր Աղվանից մարզպանության կազմում, ձախափնյա Աղվանքի հետ համատեղ: Իսկ մշակութային առումով Հայոց Արևելից կողմանց բնակչությունը վարում էր էթնոհոգ, ուրեմն և՛ կենտրոնաձիգ քաղաքականություն՝ հայ մշակույթի զարգացման ոլորտն ընդգրկելով բուն Աղվանքի էթնիկ միավորները: Ինչպես էթնիկ կողմնորոշմամբ, այնպես էլ մշակութային հանրությամբ աշափնյա Աղվանքը մնում էր հայկական, մի բան, որ լավագույնս ապացուցվում է հետմարզպանական շրջանում այստեղի բնակչության հայկական էթնիկ ինքնագիտակցության և հայկական մշակույթի անընդհատությունը (Հ. Առաքելյան): Ուշագրություն հրավիրվեց և այն փաստին, որ ավատական մասնատվածության պայմաններում աշխարհի ոչ մի երկրում չի գիտվել որևէ էթնոսի ձևավորում (Ֆ. Տեր-Մարտիրոսով): Բերվող հակակովաններից մեկն էլ այն էր, որ Հայկական լեռնաշխարհում սկզբնապես ունենք խիստ որոշակի սահմանագծով մի տարածք՝ այստեղ իրար հանդերձած բոլոր պետական միավորումներով: Ուրեմն՝ ոչ թե այդ պետություններն են ընտրել իրենց վարչական սահմանները, այլ այստեղ բնակվող էթնիկ հանրույթն է թելադրել դրանք: Իսկ Արցախն ու Ուտիքը, սկսած Երվանդյաններից, միշտ եղել են Մեծ Հայքի կազմում՝ մինչև մարզպանության ստեղծումը: Ինչ վերաբերում է անշատողական միտումին, ապա այն աչելի շատ կապվում է եկեղեցական վարչապետության ինքնուրույնության ձգտումների, քան մարզպանության գոյության հետ (Ս. Սաճեղյան), եւրոպական զուգակի ժամանակի պարզվում կարող է մտցնել հայ էթնիկ ինքնագի-

տակցության վերջնական ձևավորման ժամանակի ճշտումը: Եթե այն արդեն հաստատված էր մինչև V դարը, ապա լուրջ բան չէ Աղվանից մարզպանության կազմում ընդգրկված հայ բրնակույթյան միջավայրում մեկ այլ՝ նոր էթնոսի ձևավորվելու մասին խոսելը: Միաժամանակ նշվեց, որ դրավոր աղբյուրներում փաստորեն ներկայացված են մարզպանության սոսկ աշխարհիկ ու հոգևոր վերահսկման մտածելակերպն ու կողմնորոշումները, որ չի կարելի տարածել տեղական ողջ բնակչության վրա, մասնավորապես, որ մշակութային պրոցեսները ևս հնարավոր է գիտել զուտ պրոֆեսիոնալ մշակույթի շրջանակներում (Ձ. Խառատյան):

Էթնիկ ու դավանական ինքնագիտակցության հարաբերակցության հարցին էր նվիրված պատմական գիտությունների թեկնածու Լ. Առաքելյանը՝ զեկուցումը (Արևելագիտության ինստիտուտ), որը մասնավորապես վերաբերում էր Այսրկովկասի էթնիկ միջավայրին: Սկզբնապես հայ, ապա և վրաց էթնոսների համար քրիստոնեությունն էթնիկ ինքնահաստատման և ինքնագրասերման ձևերից մեկը դարձավ, ինչը և պայմանավորեց հետագայում վրաց եկեղեցու անջատումը հայկականից: Աղվանքի բազմէթնիկ կազմի համար, որպես համընդհանուր զաղափարախոսություն, քրիստոնեությունը բարենպաստ էթնոմիավորիչ հող ստեղծեց: Բայց մահմեդական ու թրքալեզու էթնիկ խմբերի ներթափանցումն Աղվանք էպպես շրջեց տակավին համախմբման պրոցեսում գտնվող աղվանական ցեղերի էթնոմշակութային զարգացման ուղին՝ փոխադրելով այն մահմեդական կրոնի և թուրքերեն լեզվի հենք: Աղվելի ուշ, տեղաբնիկ ու եկվոր տարրերի միաձուլումից առաջացած էթնիկ միավորը հայտնի դարձավ «թաթար» հավաքական էթնոնիմով և ժողովրդական կոնֆեսիոնիզմով: Այս տերմինները հաճախ համարվեցին էին և գործածվում էին նույն մակարդակի վրա՝ մատնանշելով խիստ տրոշակի էթնիկ հանրություն և հակադրելով այդ հանրությունը նույն կրոնին պատկանող հարևան էթնիկ խմբերին: Այդ պայմաններում աղվանական էթնիկ խմբերից մինչև մեր օրերը գոյատևող միակ միավորի՝ ուղիների համար էթնոպահանջան վճռորոշ գործոնի դեր խաղաց հայազավանությունը, որն էլ հանգեցրեց նրանց երկակի ինքնագիտակցության. ուղիներն իրենց համարում են հայ ժողովրդի ուղիախոս հատված:

Ազգային ինքնագիտակցության ձևավորման ու հաստատման մեխանիզմների բացահայտման ու պարզաբանումը սեմինարում արծարծվող առավել հետաքրքիր ու կարևոր հարցերից էին: Ներկայումս տարբեր էթնիկ միջավայրերում գործող ինքնահաստատման տարարնույթ միտումները և Արաքսյանի կարծիքով կարելի է ներ-

կայացնել չորս հիմնական մոդելի տեսքով՝ 1) էթնոսի մշակութային ծառի բնից հատվում և հեռացվում են տվյալ մշակույթի մեջ օտարածին դիտվող էլեմենտներ: Ազգային անխառն մշակույթ ունենալու այս միտումը, նպատակ ունենալով հաստատելու ազգի ինքնությունը, իրականում հանգեցնում է տվյալ մշակույթի պարզունակացմանն ու աղքատացմանը: 2) Այլածին մշակութային ու էթնիկ տարրերի դեմ էթնոսը պայքարում է ոչ թե ներկայում, այլ հեռավոր անցյալում՝ իր ազգային մշակույթի ծառաբուծմանն ալ էթնիկ էլեմենտներից զերծ տեսնելու մտայնությամբ: 3) էթնոսը փնտրում է և գտնում հեղինակավոր նախնի՝ իր ծագումը կապելով դարի համբավ ու համընդհանուր ճանաչում ունեցող նախնու հետ: 4) էթնոսն իր մշակութային ծառաբուծում է միացնում ամենատարբեր էթնիկ հանրությունների մշակութային ձևաբերումները: Ըստ որում, դա արվում է ոչ թե որոշակի փուլի, այլ պատմական ցանկացած ժամանակի համար: Այս չորս մոդելների ընդհանուր բնութագրական գիծն այն է, որ յուրորն էլ ձգտում են ծագած կամ հիմնված լինել աշխարհի կենտրոնում (դիցարանական առումով):

Այս խնդրի շուրջ ծավալված ելույթներում ուշադրություն հրավիրվեց այն հանգամանքին, որ առաջադրվող մոդելները խիստ պայմանական են և դրանց էթնիկ սահմանները չեն կարող բացարձակ լինել: Միաժամանակ նշվեց, որ հիշյալ մոդելները կարող են հետագա հնարավոր ճշգրտումներն ունենալ և դառնալ առավել համապարփակ, եթե ամեն կոնկրետ դեպքի համար որոշակիացվեն այն պատմական, սոցիալ-բարոյական, քաղաքական, տնտեսական ու էթնիկական պայմաններն ու միջավայրը, ուր առաջանում, հաստատվում, ապա և՛ շրջանառվում է ինքնագիտակցության տվյալ կոնկրետ կաղապարը (Ֆ. Տեր-Մարտիրոսով, Ձ. Խառատյան, Ռ. Օհանջանյան, Ա. Պետրոսյան):

Ինֆեռագիտակցության և ազգային մշակույթի փոխադարձաբանվածության իրողությունն առավել ակնառու է սփյուռքահայ համայնքների միջավայրում: Այս խնդրին նվիրված իր զեկուցման մեջ պատմական գիտությունների թեկնածու Է. Մելիքյանը (ՀՍՍՀ ԳԱ Սփյուռքահայ համայնքների պատմության և մշակույթի բաժին) ցույց տվեց, որ սփյուռքահայ այն համայնքներում, ուր պահպանվում են հայոց լեզուն, դպրոցը, գրականությունը, և շփումներն ակտիվ են ազգային հանուր մշակույթի հետ, անհամեմատ կայուն է նաև ազգային ինքնագիտակցությունը: Ընդհակառակը՝ էթնիկ ինքնագիտակցության աստիճանական կորուստ է նկատվում ազգային մշակույթին հետզհետե անմասն դարձող համայնքներում: Վերջին դեպքի համար քննորոշն այն է, որ ան-

հատն ինքն է որոշում իր էթնիկ պատկանելության ու նաև՝ գիտակցության հարցը: Հատկանշական է, որ համայնքի դավանական պատկանելությունը երբեմն հակադրվում է էթնիկ ընդհանուր պատկանելության զաղափարին:

ԻնՖՆԱպատկեցություններն ազգային ինքնագիտակցության հաստատուն բաղադրիչներից են, որոնք շատ հաճախ արտացոլվում են լեզվական (ինչպես գրական, այնպես էլ բանահյուսական) տեքստերում: Սփյուռքահայ համայնքների պատմության և մշակույթի բաժնի գիտաշխատող Ա. Գուլյանի զեկուցման նպատակը սփյուռքում և Հայաստանում գործառնող և ինքնակարծիքն արտահայտող լեզվական տեքստերի հիման վրա ազգային բնավորության բացահայտումն էր: Այդ տեքստերը վկայում են, որ հայ ժողովուրդն իր ազգային գիմնոզ գիծը համարում է անմիաբանությունը: Սակայն ակնհայտ է, որ ինքնապատկերացումն իրականության հետ քիչ է հաշվի նստում՝ հաճախ առաջադրելով այնպիսի պահանջներ, որոնք համաձայն չեն տվյալ սոցիալ-քաղաքական ու տնտեսական իրավիճակին: Հասարակական միտքն անմիաբանության արգասիք է համարում նույնիսկ ավատական մասնատվածությունը: Ինքնագիտակցությունն ինքնապատկերացման միջոցով թույլ է տալիս երկու տրամաբանական սխալ. 1) պատմական ընթացքի արդյունքը (հայերի երկու մասի բաժանված լինելը) համարում է ազգային բնավորության արդյունք, 2) ազգի բնավորությունը բխեցնում է այդ երկատված լինելու հատկանիշից: Բազում այլ փաստարկումներով Ա. Գուլյանը ցույց տրվեց, որ հայ ազգի էթնոքոնոմիզմը գիծը ոչ թե անմիաբան լինելն է, այլ ինքնախարազանման հոգեբանությունը:

Այս առթիվ արտահայտվեց այն միտքը, որ ինքնապատկերացումը կարելի է դիտել իրեն մի երկակի հակադրություն, որն ունի ժխտողական և հաստատողական երկու եզր: Հակառակ այդ եզրերից առաջինը հասցնում է ինքնախարազանման, իսկ երկրորդը՝ ինքնագովերգման: Ասել է թե ազգն ունի երկու հայացք. հայացք դեպի ներս և հայացք դեպի դուրս: Հայերն, օրինակ, դեպի ներս նայելիս ասում են. «Վասակի դավաճան ազգն ենք», իսկ դեպի դուրս նայելիս՝ «Վարդանանց միաբան ազգն ենք» (Հ. Պետրոսյան): Փորձ արվեց նաև ինքնախարազանման հոգեբանությունը բացատրել քրիստոնեական հոգեբանությամբ՝ թե. «Աստված պատժում է մեզ մեր գործած մեղքերի համար» (Ֆ. Տեր-Մարտիրոսով): Մի բացատրություն, որ մերժվեց այն պատճառաբանությամբ, որ հայերն իրենց ազգային բնավորությունը գտան քրիստոնեական վարդապետության մեջ, որ քրիստոնեության ընդունումը հայերի ինքնագրաստան եղանակն

երից մեկն էր, նրանց էթնիկ հոգեբանության արտահայտվածը (Ս. Հատրոսյանյան):

Սևմինարի վերջում մասնակիցները լսեցին Պատմության ինստիտուտի գիտաշխատող, պատմական գիտությունների թեկնածու Ռ. Օնանյանի հաղորդումը 1988 թ. մարտի 28—30-ը Մոսկվայում կայացած «Հոգեբանական գիտությունն ինդիաներն ազգամիջյան հարաբերությունների բարելավման գործում» աշխատանքային խորհրդակցության արդյունքների մասին: Խորհրդակցության հիմնական ուղղվածությունն այն էր, որ ազգային հարցի ե ազգամիջյան հարաբերությունների կարգավորման բնագավառում ՍՍՀՄ-ում տակավին շատ անելիքներ կան, որ այդ բարդ ու նրբին խնդրի ճշմարիտ լուծման գործում հույժ շահեկան կարող են լինել հոգեբանության, ազգագրության, սոցիոլոգիայի և հարակից այլ գիտությունների համատեղ հետազոտությունները և կոնկրետ ծրագրերի առաջադրումը:

ՀՍՀՄ ԳԱ հնագիտության և ազգագրության ինստիտուտի գիտատեսական սեմինարը այդպիսի մոտեցման մի փորձ էր: Սևմինարի գիտական լայն ընդգրկումների վկայությունն այն էր, որ այնտեղ բախվեցին պատմաբանի, աղբյուրագետի, ազգագրագետի և էթնոսոցիոլոգի մասնագիտական հայացքներն ու մոտեցումները՝ մեկ որոշակի խնդրի, էթնիկ ինքնագիտակցության տարաբնույթ դրսևորումները գիտականորեն ճանաչելու պրոցեսում:

Սևմինարի ողջ ընթացքը ձայնագրված է և պահվում է ինստիտուտի ազգագրության բաժնի արխիվում:

Ապրիլի 19—21-ը տեղի ունեցավ ՀՍՀՄ ԳԱ հնագիտության և ազգագրության ինստիտուտի երիտասարդ գիտնականների խորհրդի (նախագահ՝ Զ. Խառատյան) կազմակերպած հերթական VIII կոնֆերանսը: Այն անց է կացվում երկու տարին մեկ և ըստ էության հանրապետական ընդլայնումն ունի, քանզի նրա աշխատանքներին մասնակցում և զեկուցումներով հանդես են գալիս հանրապետության գրեթե բոլոր հայագիտական կենտրոնների երիտասարդ մասնագետները: Այս անգամ ևս կոնֆերանսի ավելի քան 60 մասնակիցները ներկայացնում էին 23 հիմնարկ:

Զեկուցումների թեզիսները (երկուհու՝ հայերեն կամ ռուսերեն, պատմական գիտությունների թեկնածուներ Զ. Խառատյանի և Հ. Պետրոսյանի խմբագրությամբ) վաղօրոք հրատարակված էին, ուստի և կոնֆերանսի ծրագիրն այնպես էր կազմված, որ կարգացվի զեկուցումների միայն մի մասը, իսկ մյուս մասը քննարկվի և ըստ հարկի բացահայտվի գրանցում բարձրացվող հիմնադրույթների վիճարկման միջոցով:

Կոնֆերանսը բացեց ինստիտուտի տնօրեն, պատմական գիտությունների դոկտոր Գ. Տիրացյանը: Ողջունելով մասնակիցներին, նա ասաց, որ ինստիտուտում վաղուց ավանդական դարձած էրկու՝ հնագիտական և ազգագրական-բանագիտական դաշտային հետազոտությունների արդյունքներն ամփոփող գիտական նստաշրջանների կողքին լինելույն իրավունք է նվաճել նաև Լերիտասարդ գիտնականների կոնֆերանսը: Ուրախալին ու հուսադրողն այն է, որ նրանում կարգադվելիք զեկուցումները ներկայացնում են հայ ժողովրդի նյութական ու հոգևոր մշակույթի ամենատարբեր ոլորտները մի շարք գիտակարգերի՝ հնագիտության, ազգագրության, բանագիտության, էթնոսոցիոլոգիայի, լեզվաբանության, արվեստաբանության, ճարտարապետության և այլ հայեցակետերով: Իսկ դա նշանակում է, որ մեզանում ձևավորվում է հայագետների մի նոր սերունդ, որը մեր ժողովրդի պատմության ու մշակույթի հարցերը սկսում է դնել ոչ թե մեկուսի, իրարից անշատ, այլ օրգանական սերտ կապի ու փոխալսմանավորվածության մեջ՝ հայագիտությունը կազմող տարբեր գիտությունների հետազոտական ոլորտների համունակամբում:

Կոնֆերանսի Լոռվա աշխատանքն այնպես էր ծրագրված, որ թեմատիկ և ժամանակագրական ընդգրկման առումով առավել մոտիկ զեկուցումները լսվեն ու քննարկվեն նույն նիստի կամ զոնե՝ նույն օրվա ընթացքում: Այս առումով ուշագրավ էին հիմնականում հնագիտական նյութերով հին Հայաստանի մշակույթի տարբեր կողմերը բացահայտող զեկուցումները: Մեծ հետաքրքրությամբ լսվեցին և բուռն վիճարկման նյութ դարձան Հ. Սիմոնյանի «Վանական և կայքաբեր որպես թաղման ծեսի անհրաժեշտ տարրեր», Վ. Հովհաննիսյանի «Քարաշամբից հայտնաբերված զարդանախշ դավաթի իմաստարանությունը», Բ. Սադոյանի և Հ. Տառալսյանի «Հին Հայաստանի մի քանի նավատիպերի մասին» զեկուցումները: Առաջին օրվա երկրորդ նիստի զեկուցումները հիմնականում ազգագրական բնույթի էին՝ նվիրված ժողովրդական տարազի զարգանախշերի իմաստարանության (Ա. Ստեփանյան), մանկական հագուստի տիպաբանման (Ս. Պողոսյան), նորածնի խնամքին և մանկական հիվանդությունների բուժման ժողովրդական եղանակներին (Ա. Միքայելյան), կնոջ հանդեպ կիրառվող արգելափակումներին (Ա. Սարգսյան) և այլ հարցերի:

Կոնֆերանսի երկրորդ օրն ամբողջությամբ նվիրված էր մշակույթի ուսումնասիրության սեփական հայեցակետերը բացահայտող թեմաներին: Կոնֆերանսի «Մշակույթ և լեզու» ենթա-վերնագրերը, մասնավորապես, կյանքի էր կոչ-

ված այն իրողությամբ, որ նրանում կարգացված զեկուցումների մի զգալի մասն արժարժում էր մշակութային այլազան տեքստերի կառուցվածքային ու իմաստարանական վերլուծության խնդիրներ: Այդպիսիք էին Լ. Աբրահամյանի «Թե ինչու դուցազներ պետք է ունենա միայն մեկ զարկ», Վ. Հայրապետյանի «Կղզու զազափարը», Ա. Գուլյանի «Հայկական հերոսի ուղին», Ս. Ջալյանի «Մոզական գիրքը որպես սեմիոտիկ սարք», Ն. Երեշայանի «Դիցաբանական տեքստերի երկու տիպ՝ աստղերի և համաստեղությունների մասին հայոց մեջ», Դ. Հովհաննիսյանի «Խնթորմացիայի բանավոր փոխանցումից գրավորին անցնելու մեխանիզմի մասին», Զ. Խառապյանի «Հղի կտրելու սովորույթը և ուղու խորհրդամաստը հայոց հարսանիքում», Հ. Պիկիշյանի «Նվազարանը՝ բնության և մարդու խորհրդանիշ», Հ. Մառությանի «Զվարթնոցի նոյան տապանում», Ա. Խոսրոյանի «Հավիթ պահպանակներ», Ս. Հմայակյանի «Կուռնու-Կուռնու աստվածության պաշտամունքը Հայկական լեռնաշխարհում», Ա. Պետրոսյանի «Եկզվարանական և առասպելական տվյալներն Ուրարտուի տիրապետող տարրի վերաբերյալ զեկուցումները»: Դրանցում արված հարցադրումներն ու քննարկման ներկայացված մտքերը որակապես նոր գիտարկումներ են երաշխավորում անցյալի ու ներկայի մշակութային արժեքների, էթնիկ մշակույթի համակարգում դրանց զարգացումը տեղի ու դերի, մշակութային ժառանգորդության վերահանման ու զնահատման մեղանում ավանդաբար ճանաչում գտած գիտական սկզբունքների ու մոտեցումների վերափոխանման համար:

Հարցադրումների նորությամբ և գիտական մտքի թարմությամբ աչքի ընկան կոնֆերանսի երրորդ օրը կարգադված զեկուցումները, մասնավորապես՝ Գ. Ասատրյանի «Քրդերի նախահայրենիքի հարցը», Հ. Առաքելյանի «Ուղի» բարբառային բառի պատմական ակունքները», Գ. Հակոբյանի «Եթիսական ազգակցության մի քանի տերմինների մասին», Հ. Վարդանյանի «Գուլյան և լույսը հայ ժողովրդական խաղիկների բառապաշարում (քանականական վերլուծության փորձ)», Ռ. Խաչատրյանի «Կրկնականների ծխականատրոգական գործառույթը», Ներկաների մեջ պակաս հետաքրքրություն չառաջացրին նաև Ն. Ջափառյանի «Հերոսների արտաքինը Վասանա ծոեր»-ում, Ա. Գրիգորյանի «Սուտ հիվանդ առյուծի սյուժեն ըստ Վարդան Այգեկցու, Եղվարդուի և Կալիլյա և Դիմնա-յի բանահյուսական բնույթի, ինչպես նաև՝ ՀՄՄՀ-ում ամուսնալուծությունների պրոբլեմին (Կ. Սելիմյան) ու սեզոնային միգրացիային (Մ. Գալստյան) նվիրված էթնոսոցիոլոգիական բնույթի հաղորդումները:

Կոնֆերանսի աշխատանքներն ամփոփող իր եզրափակիչ ելույթում ազգագրության բաժնի վարիչ Դ. Վարդումյանը նշեց, որ 6 նիստում լսված ավելի քան 30 զեկուցումներում և դրանց քննարկման ընթացքում արծարծվեցին ինչպես հայ ժողովրդական մշակույթի տարբեր դրսևորումներին, այնպես էլ ալլեթնիկ մշակութային փոխանցություններին նվիրված տարաբնույթ ու

բազմաբովանդակ հարցեր: Նա հավաստիացրեց, որ կարգացված զեկուցումներից շատերը կատարյալ ու հասուն գիտական հետազոտություններ են, ուստի և արժանի՝ առանձին հոդվածների տեսքով լույս ընծայվելու: Իբրև կոնֆերանսի բնորոշ առանձնահատկություն մատնանշվեց անկաշկանդ ու բանիմաց գիտական վեճ վարելու երիտասարդ մասնագետների կարողությունը:

ԶԱՎԵՆ ԽԱՌԱՏՅԱՆ

ԳԻՏԱԿԱՆ ՆՍՏԱՇՐՋԱՆ՝ ՆՎԻՐՎԱԾ ԱԿԱԳԵՄԻԿՈՍ Լ. Ս. ԽԱՉԻԿՅԱՆԻ ԾՆԵՂՅԱՆ 70 ԱՄՅԱԿԻՆ

Ս/թ ապրիլի 29—30-ին տեղի ունեցավ ՀՍՍՀ Մինիստրների խորհրդին առընթեր Հին ձեռագրերի ինստիտուտի՝ Մաշտոցի անվան Մատենադարանի XXIII գիտական նստաշրջանը՝ նվիրված անվանի հայագետ, ՀՍՍՀ ԳԱ ակադեմիկոս, ՀՍՍՀ պետական և Մաշտոցի անվան մրցանակների դափնեկիր, գիտության վաստակավոր գործիչ Լևոն Ստեփանի Խաչիկյանի ծննդյան 70 ամյակին:

Նստաշրջանը բացեց Մատենադարանի տրենորեն, ՀՍՍՀ ԳԱ թղթակից-անդամ Ս. Արեշատյանը: Նա նշեց, որ Լ. Խաչիկյանը պատկանում է սովետահայ պատմաբանների և բանասերների ահա սերնդին, որը մեծ նվիրումով և նպատակասլաց գիտական գործունեությամբ լայնացրեց հայագիտության ավանդական շրջանակները, նոր սկզբնաղբյուրներով հարստացրեց հայ ժողովրդի բազմադարյան կյանքի պատկերը և մեծապես նպաստեց նրա պատմության համակողմանի և համակարգված լուսարանմանը: Խաչիկյան-գիտնականի վաստակը հայագիտության ասպարեզում այն խոշոր ներդրումն է, նկատելի Ս. Արեշատյանը, որ նա կատարեց որպես պատմաբան-միջնադարագետ և աղբյուրագետ, բացահայտելով հին ձեռագրերում պարփակված մի ամբողջ շարք անհայտ բնագրեր և բազմաթիվ նոր տեղեկություններ՝ հայ ժողովրդի սոցիալատնտեսական և հոգեբան-մշակույթի կյանքի վերաբերյալ: Մյուս խոշոր վաստակը նրա գիտական գեղեցիկ գործունեությունն է՝ կապված Մատենադարանի, որպես հայագիտության եղակի օջախի կազմավորման և հետագա գործունեության հետ: 1954—1982 թթ. լինելով Մատենադարանի տնօրեն, Լ. Խաչիկյանն իր շուրջ համախմբեց մի կուտ կուլեկտիվ, որն իր աշխատանքով Մատենադարանին արժանի ճանաչում բերեց ինչպես մեր երկրում, այնպես էլ նրա սահմաններից դուրս: Այնուհետև Ս. Արեշատյանն անդրադարձավ Լ. Խաչիկյանի գիտական և հասարակական գործունեությանը և ցույց տվեց,

որ նրա կյանքն ու գործն անխզելիորեն կապված են մաշտոցյան Մատենադարանի պատմության հետ: Նրա անունը, վերջում շնչեց Ս. Արեշատյանը, ընդմիջող կմնա հայագիտության երախտավորների շարքում:

Այնուհետև «Հայոց կյանքի պատկերը «Առանձն իւր» բանաստեղծության մեջ» զեկուցմամբ հանդես եկավ բանասիրական գիտությունների դոկտոր Շ. Նազարյանը: Նա հայտնեց, որ խնդրառարկա բանաստեղծության ձեռագիր մի օրինակի վրա ժամանակին իր ուղարկությունը հրավիրել է ակադեմիկոս Լ. Խաչիկյանը, որի մտահոգություններից մեկն էր իր աշխատակիցներին և առհասարակ Մատենադարանին առնչվող մասնագետներին օգնելը: Անդրադառնալով «Առանձն իւր» բանաստեղծության հեղինակի ինքնության, ստեղծման ժամանակի, արծարծած խնդիրների, հայոց գրավոր բանաստեղծության պատմության մեջ ունեցած տեղի հետ կապված հարցերին, Շ. Նազարյանը ցույց տվեց, որ նրա հեղինակն է XVIII դ. կրթական, լուսավորական շարժման նշանավոր գործիչ, աստվածաբան, փիլիսոփա, նարեկագետ Հակոբ Նալյանը (1706—1764) և որ բանաստեղծությունն արտացոլում է ժամանակի հայոց կյանքն իր ցավալի կողմերով: «Առանձն իւր» բանաստեղծությունը, եզրակացրեց զեկուցողը, հասարակությանն ապաքինելու, բարեփոխելու խիզախ քննադատանք է, շարժարկված ճշմարիտ մի ուղեցույց և մարդու ինքնահաստատման, կատարելության խորհուրդ ունի:

Լևոն Խաչիկյանի «Եղիշեի արարածոց մեկնությունը անտիպ աշխատությունը» զեկուցման մեջ բանասիրական գիտությունների դոկտոր Լ. Տեր-Պետրոսյանը նշեց, որ Լ. Խաչիկյանի արխիվում պահվում են մի շարք պատրաստի հետազոտություններ, որոնք ժամանակին ինչ-ինչ պատճառներով չեն հրապարակվել: Դրանցից մեկըն է նշված աշխատությունը, որը Լ. Խաչիկյանն իբրև թեկնածուական դիսերտացիա պաշտպանել է 1945 թ.: Նրանում հեղինակը բազմազան